

道

藏

第六册

道藏

李一氓



文物出版社
上海書店
天津古籍出版社

图书在版编目(CIP)数据

道藏/上海书店出版社编. —上海:上海书店出版社,
1988.3(2005.6重印)

ISBN 7-80569-528-8

I. 道... II. 上... III. 道藏—影印本 IV. B951

中国版本图书馆 CIP 数据核字(2000)第 44776 号

道
藏(全三十六册附索引一册)

出
版

世紀出版集團
上海書店出版社

(上海福建中路一九三號)

文物出版社

(北京五四大街十九號)

天津古籍出版社

(天津河西區佟樓三合里)

印
刷

江蘇省金壇市古籍印刷廠

發
行

世紀出版集團發行中心

定
價

柒仟伍佰圓

1988年3月第一版 2005年6月第6次印刷
ISBN 7-80569-528-8/Z·18

目錄

太上洞淵神呪經二〇卷	六——	洞玄靈寶上師說救護身命經一卷	六——二七
太上洞玄靈寶業報因緣經一〇卷	六——八一	太上靈寶天尊說攘災度厄經一卷	六——三三
太上洞玄靈寶十號功德因緣妙經一卷	六——一二九	太上神呪延壽妙經一卷	六——三三二
太上洞玄靈寶宿命因緣明經一卷	六——一三二	太上洞玄靈寶消穰火災經一卷	六——三三三
太上洞玄靈寶出家因緣經一卷	六——一三六	太上洞玄靈寶天尊說養蠶營種經一卷	六——三三四
太上洞玄靈寶轉神度命經一卷	六——一四三	太上洞玄靈寶八威召龍妙經二卷	六——三三七
太上洞玄靈寶十師度人妙經一卷	六——一四六	太上洞淵說請雨龍王經一卷	六——三四五
太上洞玄靈寶太玄普慈勸世經一卷	六——一五〇	太上召諸神龍安鎮墳墓經一卷	六——三四七
太上洞玄靈寶四方大願經一卷	六——一五三	太上靈寶補謝竈王經一卷	六——三四八
太上洞玄靈寶智慧本願大戒上品經一卷	六——一五五	太上說利益蠶王妙經一卷	六——三四九
太上洞玄靈寶誠業本行上品妙經一卷	六——一六一	太上說牛瘡妙經一卷	六——三四九
太上洞玄靈寶真一勸誡法輪妙經一卷	六——一七〇	上清洞玄明燈上經一卷	六——二五〇
太上玄一真人說妙通轉神入定經一卷	六——一七二	太上洞玄寶元上經一卷	六——二五二
太上玄一真人說勸誡法輪妙經一卷	六——一七五	太上洞玄靈寶滅度五鍊生尸妙經一卷	六——二五九
太上洞玄靈寶法燭經一卷	六——一七八	太上洞玄靈寶三元玉京玄都大獻經一卷	六——二六六
太上靈寶智慧觀身經一卷	六——一八一	太上洞玄靈寶三塗五苦拔度生死妙經一卷	六——二七五
太一救苦護身妙經一卷	六——一八二	太上道君說解冤拔度妙經一卷	六——二七八
太上洞玄靈寶赤書玉訣妙經二卷	六——一八四	太上洞玄靈寶往生救苦妙經一卷	六——二七八
上清金匱玉鏡修真指玄妙經一卷	六——二〇五	太上洞玄靈寶救苦妙經一卷	六——二八三
上清三元玉檢三元布經一卷	六——二一一	太上洞玄靈寶天尊說濟苦經一卷	六——二八四
太上洞玄靈寶福日妙經一卷	六——二二六	太上靈寶淨供妙經一卷	六——二八五
		太上靈寶洪福滅罪像名經一卷	六——二八九
		太上救苦天尊說消愆滅罪經一卷	六——三〇二

太上說酆都拔苦愈樂妙經一卷	六—三〇三	黃庭內景玉經注一卷	六—四九九
洞玄靈寶道要經一卷	六—三〇三	黃庭內景玉經注三卷	六—五一五
洞玄靈寶飛仙上品妙經一卷	六—三〇六	黃庭內外玉景經解一卷	六—五四一
太上靈寶天尊說延壽妙經一卷	六—三〇八	上清丹元玉真帝皇飛仙上經一卷	六—五四四
太上七星神呪經一卷	六—三〇九	上清紫微帝君初紫靈道君洞房上經一卷	六—五四六
太上虛皇保生神呪經一卷	六—三〇九	上清紫微帝君南極元君玉經寶訣一卷	六—五五二
太上洞玄三洞開天風雷禹步制魔神呪經一卷	六—三一〇	靈寶大鍊內旨行持機要一卷	六—五五六
太上洞淵三昧帝心光明正印太極紫微伏魔制		上清胎精記解結行事訣一卷	六—五五七
鬼拯救惡道集福吉祥神呪一卷	六—三一—	上清華晨三奔玉訣一卷	六—五六一
太上三生解冤妙經一卷	六—三一三	太上洞玄靈寶衆簡文一卷	六—五六三
太上靈寶五符序三卷	六—三一五	太上洞玄靈寶五帝醮祭招真玉訣一卷	六—五六七
太上洞玄靈寶素靈真符三卷	六—三四三	上清佩符文青券訣一卷	六—五七〇
太上洞玄靈寶五嶽神符一卷	六—三六一	上清佩符文白券訣一卷	六—五七三
上清金母求仙上法一卷	六—三六六	上清佩符文絳券訣一卷	六—五七七
上清豁落七元符一卷	六—三七四	上清佩符文黑券訣一卷	六—五七八
太上洞玄靈寶大綱鈔一卷	六—三七六	上清佩符文黃券訣一卷	六—五七九
上清太一金闕玉璽金真記一卷	六—三七七	太上大道三元品誠謝罪上法一卷	六—五八一
太上洞玄靈寶投簡符文要訣一卷	六—三七九	固氣還神九轉瓊丹論一卷	六—五八七
洞玄靈寶自然九天生神章經解義四卷	六—三八九	靈寶衆真丹訣一卷	六—五九一
洞玄靈寶自然九天生神玉章經解三卷	六—四二五	神仙服餌丹石行藥法一卷	六—五九六
洞玄靈寶自然九天生神章經注三卷	六—四六四	登真隱訣三卷	六—六〇六
太上洞玄靈寶天尊說救苦妙經注解一卷	六—四八七	上清三真旨要玉訣一卷	六—六二六
洞玄靈寶定觀經注一卷	六—四九七	上清洞真解過訣一卷	六—六三三

上清明堂元真經訣一卷
 上清太極隱注玉經寶訣一卷
 上清太上八素真經一卷
 上清修行經訣一卷
 太上飛行九晨玉經一卷
 上清長生寶鑒圖一卷
 上清八道秘言圖一卷
 上清含象劍鑒圖一卷
 黃庭內景五臟六腑補瀉圖一卷
 七域修真證品圖一卷
 玄覽人鳥山經圖一卷
 太上玉晨鬱儀結璘奔日月圖一卷
 上方大洞真元妙經品一卷
 上方大洞真元妙經圖一卷
 上方大洞真元陰陽陟降圖書後解一卷
 許太史真君圖傳二卷
 洞玄靈寶五嶽古本真形圖一卷
 上清後聖道君列紀一卷
 上清高上玉真衆道綜監寶諱一卷
 洞玄靈寶三師記一卷
 洞玄靈寶三師名諱形狀居觀方所文一卷
 上清衆經諸真聖秘八卷

六一六三八
 六一六四二
 六一六四八
 六一六五八
 六一六六七
 六一六七九
 六一六八〇
 六一六八三
 六一六八六
 六一六九三
 六一六九六
 六一六九八
 六一七〇四
 六一七〇六
 六一七〇九
 六一七一四
 六一七一一
 六一七三六
 六一七三五
 六一七四四
 六一七四八
 六一七五一
 六一七五四
 六一七五五

許真君仙傳一卷 六一八〇九
 西山許真君八十五化錄三卷 六一八一五
 孝道吳許二真君傳一卷 六一八四一
 太極葛仙公傳一卷 六一八四五
 雲阜山申仙翁傳一卷 六一八五五
 南嶽九真人傳一卷 六一八五九
 南嶽小錄一卷 六一八六一
 太上洞玄靈寶上品戒經一卷 六一八六六
 太上玄一真人說三途五苦勸戒經一卷 六一八六九
 太上洞玄靈寶三元品戒功德輕重經一卷 六一八七三
 太上洞玄靈寶智慧罪根上品大戒經二卷 六一八八五
 上清衆真教戒德行經二卷 六一八九五
 洞玄靈寶天尊說十戒經一卷 六一八九九
 太上洞玄靈寶宣戒首悔衆罪保護經一卷 六一九〇〇
 上清骨髓靈文鬼律三卷 六一九〇八
 太上洞玄靈寶法身製論一卷 六一九二一
 要修科儀戒律鈔一六卷 六一九二二
 齋戒錄一卷 六一〇〇二

太上洞淵神呪經序

始一

唐荆川傳真天師特選於太傅光祿大夫行尚書
師金門司客文書應制內殿供奉三教談論廣成先生
食邑五千戶實封一千六百戶賜姓杜光庭撰

西晉之末中原亂離饑饉既臻瘟疫乃作金
壇馬跡山道士王纂常以陰功濟物仁逮蠡
類值時有毒瘴煩斃者多閭里獨荒死亡枕
席纂於靜室飛章告天三夕之中繼之以泣
至第三夜有光如晝照耀庭中即有祥風景
雲紛緞空際俄而異香天樂下集庭中介金
執銳之士三千餘人羅列如有所候少頃之
間珠幢寶幡霓旌絳節紅旗錦旆相對前迎
白鶴交飛朱鳳齊舞又二青衣持花捧香又
四侍女擎持玉案地舒錦席前立巨屏左
右龍虎將軍侍衛官吏各二十餘人立屏兩
畔如有備衛焉復有金甲將軍諸大神王等
各數十人次龍虎二君之外班列肅如也須
臾笙簫駭空自西北而下五色奇光灼燦艷
溢有一人執簡佩劍而前告纂曰

太上道君至矣於是百寶大座自空而來即
見道君乘五色飛龍蓮花之座去地丈餘有
二真人二天師侍立焉纂遂拜手踴躍迎奉
道君曰子憫生民形于章奏剴心泣淚感動
幽明地司列言吾得以鑑貽於子矣纂匍匐
禮謝畢

道君曰夫一陰一陽化育萬物票五行爲之
用而五行互有相勝萬物各有感衰代謝推
遷間不容息是以生生不停氣氣相續億劫
以來未始暫輟得以生者合於純陽昇天而
爲仙得其死者淪于至陰在地而爲鬼鬼物
之中自有優劣強弱剛柔善惡與世人無異
也

玉皇天尊慮鬼神之神肆橫災害於人常命五
帝三官檢制部御之律令刑章罔不明備然
而季世之民僥倖者衆淳淳源既散妖氣萌生
不忠於君不孝於親違三綱五常之教自投
死地緣是六天故炁魔鬼等與歷代敗軍死
將聚結成黨戕害生民駕雨乘風因衰伺隙
爲種種病中傷甚多亦有不終天年罹於天

枉昔在杜陽宮中出神呪經授真人唐平等
使其流布以救於人世間無知愚俗見有王
翦白起之名謂爲虛誕此蓋從來將領者生
爲兵統死作鬼帥積功者遷爲陰官殘暴者
猶拘魔屬乘五行敗氣爲札爲瘡然陽威憚
之神呪服之自當殄滅矣今以神呪化經復
授於子按而行之以拯護萬民也即命侍童
披九光之韞以經及三五大齋之訣授之於
纂曰勉而行之陰功克克充仙階可冀也言訖
道君及侍衛衆真皆西北而舉纂遂接經品
齋科行於江表生民康又疫毒消弭自晉及
今蒙其福者不可勝紀在手蠲潔莊敬惟精
惟勤明誠感通應猶響答若怠慢輕泄自憊
罪尤修奉之人慎遵斯戒伏況此經浩博
元皇之金口親宣其理淵深

太上之微言密示若有冥心諷念精意誦持
香炁繞然真靈立感神兵騎吏應時而電掃
姦妖猛馬天駒隨處而風消毒癘今此重求
敏手再啓勝因極彫刻之能盡濡染之妙冀
施行之不泯俾流布以無遺願國祚之延洪

更超周卜祝聖年之遐永克廣堯齡車軌混
於普天正朔置於率土贊大道威神之德助
皇朝惠育之恩洪福玄休浩浩無極矣

太上洞淵神呪經卷之一

摭魔品

道言吾昔在三天之上為諸男女說無量經
教化一切時有下方世界真人蔚明羅等諸
天大衆四十九萬人到于三天之上聽說無

量大經内外安穩明羅等發心更起三禮太
上問訊天尊教化難乎弟子等區區以晨下
情太上曰子從閭浮來乎明羅等曰然太上
曰世間之人詎有遵道奉經學仙者否明羅

等曰世人積惡不信道法但聞有哭尸之音
不聞有仙歌之響人民垢濁三洞壅塞百六
之災刀兵疫疾魔王縱毒殺害良善門凶凶
衰哀聲相尋衆生相殘自作苦惱相牽而死
懷愚受苦了不知出此等之人將何度之太

上聞明羅等說此語已乃告諸天人曰衆生
何念不知道法不知其受自共作惡更相誹
謗三洞流布不知受持亦如盲人遊乎日月
日月豈不明也盲人不見法師宣化愚人不
悟太上將天人玉女八千萬億人來下救之
過乎玉京玉京山上有一桃樹樹高三百九

億萬里東枝覆東方南枝蓋南國西枝蔭西
方北枝蓋北國四十九億萬年一花八十億
萬年結一子子熟大如車輪人一食之三千
年無飢也鬼見此桃樹則自死矣天人各各
持此桃木下以殺疫鬼一切衆群焉

道言自辛巳壬午年鬼兵縱洪魔王行毒毒
病生民我今遣四十九億禁官攝三十六天
魔王來下共摭曰自今以去若國土之人枉
死急病刑獄囚徒者悉是魔王等不攝下鬼
使賊害種民也自今以往太上金口所勅若

有不禁者令國土之人遭其疫癘刀兵困苦
刑獄囚徒死亡不以理者斯是魔王先坐不
禁下鬼故斬之不恕也太上乃遣十方主者
四十九萬人天女大梵王三千萬人布行召
三十六天一切魔王及小鬼王等八十億萬

王妻子眷屬悉共惡摭玄女麻姑王妃三千
六萬人悉同來為太上勅魔王魔王悉伏各
各遣魔子力士巡行國界擁護國中之人恐
太上誅之九天梵子及天人大魔王王及夫
人綵女悉三禮奉太上教矣

道言自伏羲以來至于漢末人民大樂多不信道悉受天炁自然邪魔不知有道不知有法不知有經直奉自然也後時有信經者少耳大晉之世世欲末時人民無淳苗胤生起統領天下人民先有多苦上僥下急然後轉威盛在江左天人合集道炁興焉天運動近其中往往有得值三寶無量上清黃庭記仙太素靈寶三昧者此人等皆先世大福福流後身聞見此經得度三河洪災之厄善哉善哉子等男女之人若國王帝主方伯二千石下至愚人不問奴婢能及此經受此契錄名入仙品終不枉死也太上在玄景之宮說此神呪經九天大魔羅剝鬼賊諸天眷屬八億萬人悉集在坐聽天尊說法各各檢手一心伏地天尊乃為演其記仙大經四衆聞之無不身上覺異也

道言汝等諦聽吾今為汝等說來世劫盡之運自伏羲三千年大水流溢人民半死三十九年萬姓叛亂自共相殺至周秦之滅人民殞無及漢魏末時人民流移其死亦半至劉

氏五世子孫紹其先基余時四方替替危殆天下人民悉不安居為六夷驅逼逃竄江左人民隱跡亦避地淮海至甲午之年人民還住中國長安開霸秦川大樂六夷賓伏悉居山藪不在中川道法威矣木子弓口當復起焉

道言大劫欲至治王不整人民吁嗟風雨不時五穀不熟民生惡心叛亂悖逆父子兄弟更相圖謀以致滅亡怨賊流行殺害無辜當此之世疫炁衆多天下九十種病病殺惡人此有赤頭殺鬼鬼王身長萬丈領三十六億殺鬼鬼各持赤棒遊歷世間專取生人日月候之青炁者人卒死赤炁者腫病黃炁者下痢白炁者霍亂黑炁者官事此鬼等持此炁布行天下殺其愚人唯有道士法師受此神呪經有九十億萬大神自然力士天人玉女悉來侍衛若有奉持供養者萬病自消終不橫死也及鄰國有大賊來逼者轉讀此經賊自去矣坐中男女聞太上說此經各各驚起三禮弟子等願受此經

道言劫運垂至人民多惡其中有信道奉經者悉是天人非世間愚人大聖見世間濁亂遣天人來下生乎中國助時教化矣天子大臣公王令長及兵吏之中雖處卑賤一心信道聞經信用仙人導之若聞見此經不欲受持將知此人六畜中來與經無緣是以大水之災魚鼈所食與泥同流萬不出矣

道言自今以去若男若女聞見此經及有受持者不問男女奴婢公私之人有受之者寫持經卷供養生生有利仕宦日遷疾病除愈萬願從心若有受持此經之人三天大魔九十大魔三十六世之魔十方殺鬼神王領鬼大王三十八萬人各各自勅汝等下人無得枉害受此經神呪之人若今日世間有男女之人疾病危急之者法師將此經到家救病者汝等鬼王收汝下鬼一切勿令犯此主人常為和喻中外之神家親丈人殃咎嫉妬分別解脫使令病人得差官事解散三十六萬神守護病人若不如吾言汝鬼王等聽吾呪之焉

道言目今以去若世人有疾病官事利獄囚徒困苦轉此經處不蒙其福者將是汝等鬼王之過耳何以故小鬼不信大法縱暴凶心汝等聽之東來神西來神南來神北來神各三億萬徒若有鬼王不承吉下縱放下人求犯受經之人及法師所救之身及其一門故令遭毒者斬此鬼等令作萬分美不想之急急如律令

道言三天大邪王領四十八萬人專行赤種六天大邪王八十萬人領七百萬人專行白腫九天大邪王三天大邪王各六十萬人將從三萬九千人專行黑腫三十六天大邪王領七十萬人專行黃腫七天大邪王領九億萬人專行青腫緣人身體流瀉四肢面目青赤黃白黑乍寒乍熱乍來乍去引日沈困氣來愴心心中堅實不欲飲食飲食轉少妨逆無味或先世呪詛考來逮人如此罪緣乃有官事利獄過咎當欲消者先受經供養奉師汝等如此之後亦得昇仙耳

道言汝等大邪王汝等先世無福不信大道

作罪山積今在邪中專行瘡疾毒苦萬姓或有身體寒熱反目白黑狂走妄語歌哭泣四肢癱腫恍惚聞氣如此之疾流滿天下或迷亂人心令人遭公事枉入刑獄荼害萬民如是之病悉汝等邪王為之自今以去奉佩

此經契者汝等助護之莫令有惡若轉此經之處鬼兵遠之善神祐護若不信大法故復來犯此法師者汝等邪王入淵汝等邪王入

水汝等邪王入火汝等邪王萬斬汝等邪王頭破作八十分急攝汝精攝汝靈不得干犯

尅害疫病枉攬天下良善人民急急如律令道言大劫垂至疫鬼流行汝等道士勤化愚人令聞此經令受此經契受者大水將來九龍迎之

不有厄也三災垂及三災者水火刀兵也一切着汝等身因汝等不知不能得受

此二十卷經殺一切邪魔邪魔不敢近人但受此經家中供養不用宅錄何以故此經有無量仙人玉女天人龍鬼常守護此經有人

久病多凶少吉眾事不利者亦可奉持此經能消一切大災有病受持者萬事善美魔主

及邪王此間鬼王等聞太上說神呪經心中惘然嘆曰我等自昔以來專行惡事與道有反今日聞天尊說此語當奉行之若有世人受此經者亦自追迯護之若有世間鬼賊欲來侵欺此道士者我當誅之耳自今以去有人疾病官事轉經者我等亦當助之為福矣若不存捨故來犯者頭破作萬分不足以謝也

道言大劫將近近水流中國天下蕩除人民死盡唯有道士受經之人九龍來迎天人百億選擇善惡汝等信之若有人病先考所加受持此經若有官事刑獄仍常有厄者當受此經若邪狂口舌萬端亦受此經一切不宜亦受此經受此經者魔王不敢干人

道言五濁之世世官撓急不矜下人下人吁嗟萬民懷怨天下悠悠日月失度五穀不成人多流亡大水皆起有智之人見經急受書其經卷竹箱篋筒萬座盛之不介者亦可五色靈威之有能轉誦鬼兵自散官事解了受此經者一家一人受之辟一門災禍矣縱使

目不識字但受之雇人寫之淨室供養邪鬼自伏一切不敢近人也

道言自今以去轉此經處若有疾病官事口舌宅中虛耗聞此經誠勸魔神呪若一鬼不去妄稱大神山林社祀世間廟主壞軍死將脫籍之鬼來助邪王病痛世人不從大法者十方殺神收而誅之若復故來縱暴專行若毒害者鬼王等斬之魔王等身作萬分不得怨之急急如律令

道言世促人惡信法者少大水來近恐汝等沈溺死亡者衆不知出期吾念甚哀故於玄景之宮九合之室爲將來一切衆生建其橋梁開於法徑示之以道導之以法令免三災消其九厄去離八難生天八中昇仙之緣世世無盡勸下魔王令安萬姓預爲呪之禁斷惡鬼自今以去有受持此經及轉讀之處皆有一切福利後世男女若受經奉師者亦得昇仙矣

道言五世之孫劉子佐治天下係紹仙基大漢人民多有值三寶者何以故此世世吉人

能起道心故也山林隱士不可稱數見大劫欲盡受經者十有七八矣三災垂及汝等道士有緣之者乃能信奉太上爲一切衆生故涕泣五行汝等若信吾言者九龍之輦與來迎子身若不信者孟津三河汝等著之坐中男女三億萬人悉來受此經矣

道言汝等受此經二十卷供養行住持之身中萬病自瘥仕宦高遷所願從心亦可見當來真君真君不遠甲申災起大亂天下天下蕩除更生天地真君乃出真君既來聖賢仙人及受經之者一切來助左右東西南北道士爲佐無有愚人汝等世人但受此經自然見真君矣

道言真君者木子弓口王治天下天下大樂一種九牧人更益壽三千歲乃復更易天地平整日月光明明於常時純有先世今世受經之人來輔真君耳是以智人道士誘化愚人令受此經消一切疫病鬼賊伏散萬願自果所向合矣若受此經所行之處魔王助化終不令人有惡也

道言男女道士有骨應位者得值此經有其壽相應見真君者得受此經此經有神令人心開真君出世無爲而治無有刀兵刑獄之苦聖人治世人民豐樂不貪錢財無有雞豚犬鼠牛馬六畜也鳳凰白鶴爲家雞麒麟獅子爲家畜純以道法爲事道士爲大臣男女貞潔無有淫心人民長大亦不復是今之道士耳不覺自異其形端正長大長一丈三尺真君長一丈六尺而目光澤人中無有安醜了了視之無厭矣坐中大衆聞太上說此真君其國大樂各各心中歡喜悉自俱起稽首三禮弟子等亦當奉持此經耳

太上洞淵神呪經卷之一

太上洞淵神呪經卷之二

始二

遣鬼品

道言吾在玄都九重宮中爲諸大衆說上清

中玄妙經時有下方世界大神通知識向民

子八萬真人俱來稽首三禮而白天尊曰世

間人惡不信至言今有三洞經出不知受之

疫鬼刀兵殺害衆生衆生死盡故不求出弟

子等常恒見之苦痛不忍聞之國土今日政

有行尸之人無有道德之者君臣相殘父子

相刑道士行道愚人競笑自牽入惡不務仙

品大劫垂至亦不知之疫癘惡炁殺人略盡

弟子等不忍聞見故來懇告是時天尊仰天

長歎悲哉衆生不解大趣不會修心致招災

禍疫癘所侵吾今當遣天丁力士八億萬人

天驍直騎八億萬人天禁大吏四十萬人天

殺大兵四十萬人天蓬守士四十九萬人爲

人遣此等之鬼汝等持此神呪經布行國土

若有人受經者疫鬼自去矣

道言自庚辰辛巳壬午癸未年近於甲申之

有道之者難免此疫此疫令人寒熱頭痛目

眩五臟不調心下切切鼻口咽喉聲發腹滿

氣上刺心手足拘急胸背徹腦耳又不聰黃

疸癰腫身體赤黑五種下痢復有霍亂吐血

鼻衄癰膿四肢碎痛節節疼疫氣熱驚走悲

思恍惚中宵不眠四肢反覆口語無端妄見

神鬼陰腫下癰手足不整卒死失性如此之

徒悉是疫鬼來殺惡人汝等若能佩奉三洞

經法吾遣天丁力士令逐此鬼不撓子等水

來不久汝等衆生速修善心受傳經法方免

洪災矣

道言自今以去若有道士心貪仙道不求世

榮一切奉法志味三洞遂師入山人間教化

如此之人吾當遣天丁力士四十九億萬人

隨行覆護所行出入萬鬼不當告覺王等自

今以去勤爲衆生遣一切疫鬼矣

道言甲申垂至洪水不久今有疫鬼殺人世

間多惡少善衆生不識真言三洞久布不知

求受自招苦惱當復奈何衆生可愍我今遣

八部禁兵祛殺疫鬼遣令斥去道士化人令

奉三洞矣

道言自今以去有奉受此神呪經者天上有

三萬尉玄刃大兵覆子等身子等但爲衆生

日日教化一切愚人愚人守迷笑人行善天

遣疫鬼祛殺此人如此等魂俱入三惡道中

無有出期矣

道言辛巳壬午年有八千萬大鬼來滅惡人

兩舌誹謗道法指師名諱評論經典不信三

洞不肯受道如此之人大鬼王來共滅之矣

道言自今以去若有道士伏從三洞行道救

人之處吾遣九天大兵九十萬億衆一時來

下覆護子等若有一鬼不去者十方力士即

來收之矣

道言自今以去有道士轉此經處天令三洞

力士四十九萬六天力士八十萬人三十

六天大兵九十億萬人一合來下共殺此疫

鬼令生人有病之者官事之人速得解脫疾

病輕差和喻萬神令家親歡喜中外社憲悉

令分了勿使枉撓生人自非家祀之鬼一切

穢之使永絕他方若有不從吾令鬼兵不去

者魔王等各當受斬斬之不恕汝等慎之聖不虛言矣

道言此神呪經乃有三十六天魔王有七萬億小王名字在經上若道士轉此經之處三十六天魔王向盆子等七十二小王悉來伏耳是以有人能分末劫受此神呪經家中供養者一切惡鬼不得妄來何以故此一切大魔王遣力士來守此經天人玉女仙人百億萬人亦來守護不得有鬼兵敢妄來前後也道言自今轉經之處若有惡鬼凶神敢復施惡意來向此生人及法師之人者鬼王等及大魔王八億萬王自誓受三斬頭破作三萬分矣魔王曰自今以去若有道士治病轉經經行作福者當令所為如意萬願從心無圖不果一旦違誓弟子向民等身受罪萬斬矣道言自今三洞流布真人悉受況乎愚人自今以去有人奉此三洞經者鬼兵助之所作者成所為者合大魔王護之汝等道士勤化愚人若有受此三洞之師遊行救度人間若有急病道士為之轉經讀此神呪三天魔王

召一切小鬼王來助弟子之力耳

道言道士受此神呪經不與餘經同受別自單受此一部耳何以故此經中大魔王神力多故故不得雜受書寫亦別著一函盛之行來佩之萬鬼不近作禱者亦用無量科令矣道言此神呪經有一切鬼王名字是以太上重之有轉經之地一切惡鬼不得近人也自非生人所事家親親鬼丈人不得妄來中外大神一切魍魎生死之神男女之殫塚墓之鬼自今以去片走萬里若不如令汝死萬斬不恕之也

道言世有八萬溺身鬼鬼長三尺二分動有萬萬為群在水中殺人不信道者善神不護亦枉死耳復有九十八萬種水病有三十二種黑病白病赤病青病黃病不可治有三十六種卒死此等病悉是罪人世人不行道法虐亂國土是以天下惡人聚生不肯念善天遣力士萬病誅滅耳若自今以去有道士施其功德建禱救人之處魔王等悉助此法師今治病瘥矣若不瘥者魔王高隣子頭破作

九十分矣

道言爾等一切魔王若中國男女自今以去能有信道受吾三洞化行萬國為一切人治病轉誦之處汝等為化愚人佐助作福力迴風止雨勿令近之若能如此者遷汝萬位一

旦背搭子等頭破作九十分矣

道言一切神王及一切魔王等汝亦與吾無為正炁同矣而乃汝等所為各有異耳百分之中不如我一也汝等雖有大神通變又復為吾弟子何以故為汝等不習自然道炁久蘊炁心處於輪迴生死之域為汝宿世有於大福故得神王魔王之位我乃位三天之上總御衆靈為已宿劫以來憐愍一切如我所生我之法律能生善者能成善者能殺兇者能絕惡徒不但畜禽獸善者為良今始有三洞大法流行天下國土善民往往有遇經法者若有道士治病救人之處汝等魔王助之作福今其所願保全勿斷其功德也若一旦違誓斬之不恕矣道言天下有大神多魔王為久汝亦與我無

為杰同矣而汝等所為有異百分不如我之一也汝等以仇為我之弟子久矣生死在我我萬民悉在天地之中多有不信道者今有三洞之法流行天下國土之人有值經者若或有道士治病救人之目子等助之焉莫令斷其功德若一旦違誓斬之不想矣

道言魔王八億萬王有小王亦八億萬王各各宣令自今三洞行處道士治病經行之處汝等共助之當令治病得差所作者成天人護之風雨有時不令有害若一旦違科不敬聖言縱其鬼兵枉殺善人三洞法師安有危厄疾病苦惱一切不如誓言者魔王高留子等三十六王悉斬之不想矣

道言國土之人多不信大道有受三洞者汝等助之為令善心恒生莫令善退汝等護之天人來助自昔以來人民病衆不唯一種千病萬病困苦頭痛身重手足不舉恍惚吐下赤斑令人氣病吾悉知汝等之鬼名曰慎憂哀子角兒平王阿信三葉之人千鬼萬鬼急攝汝下鬼令生人病瘥若不瘥者汝等頭破

作八十分矣

道言甲子旬年有七十二種病長安索盧暴殺人民南楚喪失流分他國有二虜三吳合來爭之江左賢相復佐天下天下不樂人民皆苦下人憂悲遊魂之鬼日來取人民死盡其中一人二人受法行道者惡人共笑之是以仙人不出世間無有仙矣

道言甲戌旬年國土之人共流江左紛遶長安蜀漢之中有赤鬼三萬唯殺人民為人不信道吾常使董玄珂殷仲堪化天下愚人愚

人不信奈何天今遣百二十種病殺人若有受三洞經法師來為轉此神呪經丈死人更生吾常為勅一切魔王及小王等若有法師治病之處悉令禁却小鬼令生人病瘥瘥者令汝等得遷不瘥者汝等死矣急急如太上口勅律令

道言甲申之旬年世間有四十九萬黑鬼殺人多有橫死到子丑之期期日將至有大殺赤兵八十萬衆來取人民人民不知到壬午癸未甲申年大水來濟兵疫來集大鬼王蔣

公琰共來殺人自今以去小鬼來侵病人者急去千里若復不去大魔王等頭破作八十分矣

道言甲午旬年有三十六萬氐羗胡獠之鬼來殺人民赤鳥七十萬頭飛行天下人見者自然疫病不可得治救為不信聖教故以病死矣自今以去國中有一人受經轉此神呪經丈之處大魔王及天人來助令生人自瘥瘥者令汝等上還萬等萬倍若復不瘥者汝等大王及小鬼斬之萬段不想矣

道言甲辰之旬年天下九十種病人多暴死六畜災癘為人不信大道有一人受經行道者愚人笑之是以天遣三萬九千大鬼來誅之令世人有病疫鬼多來殺人若有法師轉此神呪經者巨天力士八十萬億俱來助之

若復不瘥令人死者大魔王先坐小鬼急攝汝下鬼勿犯良民一一告下不恕之矣

道言甲寅旬年有六十種病死十分遺一也王建領之暴亂人民有赤鳥之鬼自今以去有道士轉此經之地令病人自瘥若復不瘥

令人衰凶者大鬼王先坐小鬼頭破作四十九分矣

道言世間多惡人聖所不居時有一道士建三洞之法天人悉來護之自今以去若有病人危厄困篤之者大魔王斷其家祥小鬼令病人自瘥瘥者大魔王等上還不瘥者汝等斬身作萬分矣世間有無極之小鬼汝等各各自去勿令生人死也若不用吾教今遣赤丁使者四十九億萬人悉來殺大魔王等不復怨矣急急如太上口勅律令

道言壬午年十一月二十九日至壬辰歲十月三日有七十二萬小鬼王專行入人宅中行急疾病人悉患之李信李陵二人各領四十萬衆來取人命今已知汝名汝急速去此有赤殺力士七十二萬人斬汝汝不急走身破萬分不怨之急急去萬里矣

道言道士之法以三洞爲先受此神呪乃得入山及於人間殺一切鬼賊不受此文鬼不畏人今有三千六萬暴鬼來殺人吾知汝名急去千里急急如律令

始二

九

太上洞淵神呪經卷之二

太上洞淵神呪經卷之三

始三

縛鬼品

道言自今戊寅歲癸未之年大劫之運惡人不信道法天遣疫鬼行七十二種病病殺惡人世間浩浩鬼兵流毒奈何奈何若有奉持三洞之人吾當遣力士四十九萬人爲此法師縛枉橫之鬼若道士救人經行之處魔王等當助道士縛此鬼兵等矣

道言三天玉女與太梵天王夫人等八千萬人來下聽經而自誓言曰自今以去天下之人若有此三洞法師作齋救人轉此神呪經之處我等當護之不令疫鬼一切邪精來干犯法師也若不去者我等先坐矣爾時九天大魔王并及玉女八十億萬人亦俱來下白太上曰自今以去若有道士轉此經文救人疾病之處若有殺鬼故來撓之不肯去者我等當共縛之令法師不亂病人得瘥得瘥者我等之力衆聖亦喜魔王等各各自誓縛疫鬼矣

太上尔時乃說偈曰

吾今說神呪 呪神皆滅形 所誅自有主
為惡不相聽 汝等既伏膺 共來聽吾經
自今當助道 一一相經營 勿復相吹噓
共作妖惡情 若作妖惡情 力士縛汝靈
湯煮火復燒 往返刀山亭 汝若從善者
亦不苦相征

道言壬午年有赤鬼三萬九千人來殺惡人
有人值此三洞法師者疫鬼斥去千里若自
今以去刑獄疾病但轉此經此經有八十萬
大神三萬力士四十萬玉女三十萬童子一
切來共守之所轉經之處鬼兵與魔王來縛
此疫鬼矣

道言吾昔在五嶽玄景官中為一切眾生說
三昧經時有七天魔王三十萬人一合來下
自誓言自今以去若有法師得救病人之處
轉此神呪經救人我當為開道不令有惡惡
鬼遠走天人來助可治之令疾病除瘡刑獄
之人悉皆解脫若復無益者我等自受腰斬
死亦不恨矣

道言自壬午年辛巳後必有疫癘之鬼八千

萬人來殺惡人惡人不信道教三天王女九
天大梵王三十六萬人一合來下啟太上曰
自今以去若有法師經行之處我等亦當護
之令疾病者愈官事之人速得解了若疫鬼
復來圖害良民者我等亦當縛之耳

道言自今以去有奉三洞之人者九天大兵
七十萬人三十六天大魔王七十萬人各來
護此法師也若今有疾病官事之家急轉此
經此經有大神力自今官事散了病人自瘥
若有不伏者三天魔王自來縛之疫鬼赤兵
自然死盡中外殃祥男女之鬼斥去萬里十
方力士覆護法師矣

今時太上乃說偈曰

三洞大乘法 真道理自陳 若非積劫緣
無由得授聞 轉讀救黎蒙 消滅眾鬼羣
天真相擁護 妖精莫敢前 若有犯法者
身破成百分

又偈曰

大象本無形 經言即為道 道轉無形中
妖魔靡不掃 清濁各有分 天官來相考

念子為兇逆 使我常悲惱 反縛裂子頭
劍樹令汝抱

道言今觀世間惡人聚生六夷交侵自共相
殘至壬午年天下浩浩人民不安刀兵疫癘
殺害惡人惡人不信大法故令死耳自今有
奉三洞之經者自得上仙耳世人愚癡見道
士亦死惡人亦死不知分別有異直見同死
無有異余也惡人死者入三塗惡道道士死
者生天上人間或為大王若便仙去終不生
惡處也或白日上仙者千年服藥先著年華
也若有奉三洞尊師受經苦身行道得昇此
仙萬劫無有死矣自今以去若有道士救人
之處魔王等共收縛鬼精矣

道言吾昔為中國仙人東嶽直連子等二萬
人各持信受經之具上山作壇拜謁五方
五帝與之為信乃折銀環一具以券分之與
師飲丹自約誓曰今日飲丹受經供養終身
不犯有疾病急危宅中不利口舌官事刑徒
在獄者為其轉經作齋悉依齋法清淨道士
以此為常仙人等以授受經化行國土為萬

民治病一切鬼王悉皆潛伏

道言世人多不信道有一人受經衆共笑之謂曰妖魅不欲生活入山避人不求生官不知此人天上生來見世間濁惡自求仙道度一切人人不識真反更笑之奈何奈何如此人等後有重罪罪入赤連地獄水火之中三千億劫無有出期罪畢作人有人之形無入之情或癡聾瘡癰不知人事復作六畜食草飲水以肉供人生便艱苦無所告此之罪人輪還如此無有出期子等思吾言矣

○ 尔時太上乃說偈曰

頑逆不知法 見世積罪人 不但自不信 反笑他習真 不知天上來 不久在人羣 子等無所識 相與共評論 言出禍亦入 響應須臾間 死受荼毒報 罪結在赤連 轉輪五苦中 考對億劫年 出生無人情 六疾所縈纏 身設六畜形 詎復識形神 罪非修大乘 何由免形殘 因緣自如是 子等思吾言

道言世人多有惡心之者不信真言天遣橫

行伐殺將軍八千萬人仍遊天下取此惡人今有奉三洞之人魔王三千人護之也隨逐覆救若欲作齋齋集之日爲其明朗不令風雨天人助之若道士行處人見愛樂道蒸盈溢不令病痛也若惡人罵辱道士爲作口舌縣官欺圖者即爲收其人魂魄殺之以明大道有神之驗也急急如律令

道言世有烏丸鬼王身長七尺八尺各有九千萬人赤兵月月下來取人悉命令天下人枉死甲戌甲午旬中仍下來取人命行三萬九千種病病殺人口男女自今以去有道士轉此經處汝等收汝下兵令片去萬里若不去者斬汝烏丸九三億萬人敢不從之矣道言甲辰之旬有八千九十大魔王威都等將下人無數月月病人下九千種病病不可治與下土死將鬼兵合來殺人自今以去攝汝鬼兵勿枉善民也若有道士男女之官行道之處汝等助之若不用吾教者子等頭破作八十分矣

道言辛巳壬午年人民橫死天下不安死者

衆多鬼王烏丸與地下赤惡殺人人多瘟病病者門門十有三四死矣奈何奈何唯有村村大會清齋拜謁五帝之神自保家口令天神知之鬼王烏丸自伏不復殺人矣

道言自奉受此經師爲開示有病作齋及官事刑徒宅中多鬼仕官不遷田蠶不收悉作此齋耳作此齋天人來護即得心願萬無不利矣奉此經者鬼王自伏也自今以始若有此三洞法師所施行之處鬼王護之若有道士疾病者汝等鬼王頭破作八十分矣

道言庚辰之年國主自慎大臣相輔天下浩浩無不畏也小人相苦貴人無道天下九十種病病殺惡人鬼王名壇支領三十六鬼王等七十大魔王明主之下行萬病病不可治當爾之時惡人多多有不信道受經者其有受三洞者大魔王等四十九億萬人悉來下護助此法師耳

道言此三洞法師入人門戶宅中萬鬼避之治病救民無不瘥也惡人多故故令鬼殺人耳太上多哀哀念一切衆生特爲呪此鬼王